

大聖文殊師利菩薩佛刹功德莊嚴經

宋藏遺珍叙目

丙子春
米慶瀾題



序

中華民國廿四年七月宋藏遺珍既印成凡得佛教孤
存古籍四十六種分裝一百廿冊隸上中下三集謹爲
述印布因緣以弁於首曰初民國廿年同人影印宋磧
砂藏經以中有缺佚屬僧範成師走各名山古剎搜訪
至山西趙城之廣勝寺見藏經凡六廚黃表朱軸悉爲
卷式邀徐森玉居士鴻寶往勘互相推證則向未經著
錄之金刻全藏也見存踰五千卷故爲睢州考城縣太
平興國寺物據題識考之金皇統時解州天寧寺大藏
經版會創雕元初亦有補版每版印一紙積紙成卷卷
自十三紙至卅二紙紙自廿二行至三十一行行自十
四字至廿七字不等所刻經籍多有磧砂藏所無亦有
爲各藏所無者範成師因商之余集諸善信資力又得

北京三時學會出資付之印行名曰宋藏遺珍不忘所
自也此藏爲金代鉅工乃從未見於紀載今茲之發現
殆非偶然邇來中外人士往趙城探討者不絕於道影
響所及非止緇林而已學苑鴻儒以所係於文化至鉅
方將掣幾討究此則一視各人之所須所得以定其價
茲編之印行特其前奏而已支那內學院方屬蔣唯心
君往晉研求吾知其將有所獲北京三時學會諸君亦
將繼起從事吾因此念及佛教久闕之衣珠散在吾國
榛莽間者不知凡幾同人倘各本其精誠願力以求之
必續續有所發現他日匯輯諸本刪同存異擇粹去糝
以成一中華大藏裨益大眾甯有紀極謹書此以爲息
壤焉遐菴居士葉恭綽識

序二
民國二十年春余與朱子橋居士往西安振災發現臥龍寺存宋刻磧砂藏經既返滬與息影申江之葉遐庵居士等緇素人士商討影印該藏始見中多缺佚羣推余從事搜訪因一面率攝影技工赴陝撮映該藏以便製版一面探訪晉陝各名山古剎期有所獲迨二十一年夏有老頭陀性空者朝拜五台轉向終南山潛修途經予西安寓所承告趙城縣廣勝寺存古本藏經四櫥聞訊殊喜僱車買騾跋山涉水行抵霍山該寺松柏參天殿宇雄偉佛像莊嚴五彩壁畫藝術驚人惜爲不肖者刮賣僅存壁尖殘餘遍讀各碑始知下寺建自元代至正年間距其寺四里山腰遙見林木中高聳釋迦牟尼

尼佛舍利塔裝以綠色琉璃瓦八角十三級層角造有
天龍八部護法神像飛舞活潑形色各異端懸銅鐸每
風至聲聞數里循聲登石級而達上寺適晤住持明徹
和尚備述上寺歷史偕觀彌勒殿所藏卷子本此藏原
存下寺因無人看管鄉鄰任意竊取爲城區護法家張
奇玉所知於民國十七年囑明徹移至上寺保存據趙
城縣志載廣勝寺塔中藏釋迦世尊舍利唐大歷間郭
子儀奏請就塔建寺余於次晨沐浴更衣執持香花繞
塔三匝進塔門緣梯登第一二層見陶製淡黃色小塔高
約八尺中藏舍利子其上級閉塞不可登余旋將帶來
法寶標目以千字文排成經目號碼依次檢閱見每軸
經首附釋迦佛說法圖像一幅題趙城縣廣勝寺名義

詳察紙色圖樣顯係後人於裝潢時附加若按至元法寶錄所編此經應有七千餘卷現僅存四千九百七十五卷尙缺十分之三攷其所刻字迹凡印度撰述經律論等版本多數相同乃金大安時晉南之地太平興國禪院等處人民施資所雕其支那撰述一部份則版式繁雜多由官方收集各地經版而成余逐一檢查越兩月之久時方炎暑寺鄰紛至納涼親見我輩之勞瘁不期而言附近農家多有此經余因婉請其傳喻各家倘能檢送原處福德無量因此送還者甚多後以農忙改用銀幣交換尤見踴躍竟有已糊窗格濕浸起下者三百數十卷計在寺檢查五閱月方底於成其中爲各藏所無之經典竟有四十六種二百四十九卷之多因函

電報告滬上影印宋版磧砂經會諸君及北京三時學會徐森玉居士不數日森老乘車趕至廣勝寺予述經過情形握手爲歡隨向明徹和尚商借影印流通據答須邀張奇玉協商翌日晨連袂乘驟往訪張君張與森老原係知交不吝玉成款待甚殷歸語明徹和尚允予簽訂合同約五十日璧返宋藏會亦酬贈修理經櫥費用並影印磧砂藏一部議已定而地方人士又生顧慮恐運滬不能返璧時葉遐庵居士之戚盧君適爲趙城縣長乃由葉居士電盧願負全責由盧宣布眾無異言乃由徐居士將所選定各卷先運北京由三時學會籌資余留廣勝寺清理善後手續遲數日到京知葉居士來函贊助蔣竹莊居士協助向天津刻經處商撥一萬

二千元印刷費餘由三時學會分擔以上集與中集上之五由上海負責印成其他歸北京辦理葉居士爲擇名曰宋藏遺珍不忘所自也回憶調查檢閱至印成費時一載有零終底於成端賴諸居士願力所致範成不敏未竟全功僅述概略俾記其實至其中有數種原已殘缺余爲便讀者謬以大正藏補入此固不足爲訓然幸均分別註明當無混亂之患讀者幸鑑諒焉民國二十三年釋範成撰

影印宋藏遺珍目錄

第一函

上集

大聖文殊師利菩薩佛刹功德莊嚴經三卷

唐天竺三藏大廣智不空譯

存二卷

中下

今依大正藏補全

大方廣如來藏經一卷

唐天竺三藏大廣智不空譯

金剛頂經一字頂輪王瑜伽一切時處念誦成佛儀軌

一卷

唐天竺三藏大廣智不空譯

金剛頂降三世大儀軌法王教中觀自在菩薩心真言

一切如來蓮華大曼荼羅品一卷

唐天竺三藏大廣智不空譯

修習般若波羅蜜菩薩觀行念誦儀軌一卷

唐天竺三藏大廣智不空譯

佛說十力經一卷

唐三藏沙門勿提提犀魚譯

佛說迴向輪經一卷

唐于闐三藏沙門尸羅達摩譯

佛說勝義空經一卷

宋傳法大師賜紫沙門施護等譯

佛說清淨心經一卷

宋傳法大師賜紫沙門施護等譯

大唐正元新譯十地等經記

唐三藏沙門悟空述

佛說十地經九卷

唐于闐三藏沙門尸羅達摩譯

金色童子因緣經十二卷

宋傳梵大師賜紫沙門惟淨等譯

存十卷

一四五六七八九十十一十二
今依大正藏補全

佛說開覺自性般若波羅蜜多經四卷

宋傳梵大師賜紫沙門惟淨等譯

第二函上集

諸法集要經十卷

觀無畏尊者集

總二千六百八十四頌

宋宣梵大師賜紫沙門日稱等譯

存七卷

一二三四五八
今依大正藏補全

父子合集經二十卷

宋宣梵大師賜紫沙門日稱等譯

存九卷

一二三四五六七八十
今依大正藏補全

佛說大乘僧伽吒法義經七卷

宋寶輪大師賜紫沙門金總持等譯

存三卷

二六七

佛說清淨毗奈耶最上大乘經三卷

宋寶法大師賜紫沙門智吉祥等譯

佛說隨勇尊者經一卷

宋傳法大師賜紫沙門施護等譯

仁王般若陀羅尼釋一卷

唐天竺三藏大廣智不空譯

觀心論一卷

亦名煎乳論

隋天台智者大師說

大唐正元續開元釋教錄三卷

唐西明寺翻經臨壇沙門圓照撰

御製蓮華心輪迴文偈頌二十五卷

唐太宗製

存二十一卷

一二三四五六七八九十
十一十二十三十五十六十七十八

十九二十二十一二十二二十四二十五
今依高麗藏補全

第三函上集

御製蓮華心輪迴文偈頌

御注金剛般若經疏宣演六卷

宋勅隨駕講論沙門道氣撰

存第五卷

今依徽煌寫本補全

維摩疏記六卷

唐天台沙門湛然述

雙峰山曹侯溪寶林傳九卷

宋陵沙門智炬集

存六卷

一二三四五八

今依日本昭和八年東方學報第四期所載常盤大定發現

第六卷

補入

第四函

上集

雙峰山曹侯溪寶林傳

傳燈玉英集十五卷

宋王隨等撰

存九卷 二 三 五 六 八 十 十二 十四 十五

景祐天竺字源七卷

宋三藏沙門惟淨等集

第五函 中集

成唯識論述記十卷

唐大慈恩寺翻經沙門窺基撰

存七卷 一 二 四 七 八 九 十

成唯識論述記科文口卷

唐大慈恩寺翻經沙門窺基撰

存二卷 一 二

成唯識論掌中樞要三卷

唐大慈恩寺翻經沙門窺基撰

第六函 中集

成唯識論掌中樞要

因明論理門十四過類疏一卷

唐大慈恩寺翻經沙門窺基撰

法苑義林六卷

唐大慈恩寺翻經沙門窺基撰

存二卷 三五

因明入正理論疏三卷

唐大慈恩寺翻經沙門窺基撰

存二卷 中下

般若波羅蜜多心經幽贊二卷

唐大慈恩寺翻經沙門窺基撰

存一卷上

阿彌陀經通贊疏二卷

唐大慈恩寺翻經沙門窺基撰

存一卷下

妙法蓮華經玄贊十卷

唐大慈恩寺翻經沙門窺基撰

存三卷 一三四

第七函 中集

瑜伽師地論略纂疏十六卷

唐大慈恩寺翻經沙門窺基撰

存十一卷

一三五五六七八九十十一十二十三
十五

瑜伽師地論義演四十卷

唐大安國寺沙門清素述

存二十一卷

一四六七八十一十二十五十七十九二十二十六二十八二十九

三十三十一三十二三十三三十四三十五三十八四十

第八函

中集

瑜伽師地論義演

第九函

中集

瑜伽師地論義演

瑜伽師地論記二十卷

唐海東興輪寺沙門遁倫集

存十三卷

一二五六七八九十一十二十六十七十九二十

第十函

中中

瑜伽師地論記

第十一函

下集

大唐開元釋教廣品歷章三十卷

唐京兆華嚴寺沙門玄逸撰

存十五卷

三四五六七八九十
十一十二十三
十四十五十七十九二十

大中祥符法寶錄二十一卷

宋趙安仁楊億等編修

存十六卷

三四五六七八九十
十一十二十三
十四十五十六十七十八二十

第十一函下集

大中祥符法寶錄

天聖釋教總錄三卷

宋譯經沙門惟淨等編修

存二卷

中下

景祐新修法寶錄二十一卷

宋呂夷簡等編修

存十四卷

一 二 四 六 八 九 十 十二 十三 十四 十六 十七 十八 總錄

觀彌勒菩薩上生兜率天經疏二卷

唐大慈恩寺翻經沙門窺基撰

存一卷

下

觀彌勒菩薩上生兜率天經疏二卷

唐大慈恩寺翻經沙門窺基撰

存一卷

下

單刻本分卷與上本異與日本傳本同

上生經疏會古通今新鈔口卷

唐講經律論沙門詮明集

存二卷

二 四

上生經疏隨新鈔科文口卷

佚名

存一卷

大聖文殊師利菩薩佛刹功德莊嚴經卷上

特進試鴻臚卿大興善寺三藏沙門不空奉詔譯

如是我聞一時薄伽梵住王舍城鷲峯山中與
大苾芻衆一千人俱菩薩入萬四千皆於無上
正等菩提得不退轉所謂慈氏菩薩文殊師利
菩薩觀自在菩薩得大勢菩薩而爲上首復有
七十二俱胝諸天衆俱皆悉住於菩薩之乘復
有天帝釋娑訶世界主大梵天王與其眷屬四
萬天衆俱亦皆住於菩薩之乘
復有四阿蘇羅王所謂毗摩質多羅阿蘇羅王

末利阿蘇羅王驢肩阿蘇羅王歡喜阿蘇羅王
與百千阿蘇羅眷屬俱
復有六萬二千諸大龍王所謂難陀龍王鄔波
難陀龍王水天龍王摩那斯龍王地持龍王無
熱惱龍王蘇迷盧龍王伏魔龍王月上龍王如
是等而爲上首復有四大天王所謂持國天王
增長天王廣目天王多聞天王與百千藥叉眷
屬俱所謂金毗羅大藥叉阿吒吒俱大藥叉針
毛大藥叉妙慧大藥叉形相大藥叉遍形藥叉
不動藥叉如是等而爲上首

時王舍城國王大臣及諸四衆天龍藥叉人非人等各以衣服飲食臥具醫藥種種資具於如來所恭敬尊重而爲奉獻

爾時世尊受王請食於晨朝時著衣持鉢於諸苾芻及於天人百千之衆前後圍繞向王舍城未生怨王宮以佛威神力故大神境通放百千種妙色光明百千音樂同時俱奏雨衆妙華烏鉢羅華鉢頭摩華俱勿頭華芬陀利華繽紛而下是時如來以神通力隨按足處涌寶蓮華大如車輪白銀爲莖黃金爲葉吠瑠璃寶以爲其

鬚於華臺中有化菩薩加趺坐是諸菩薩與寶
蓮華俱繞王舍城右旋七匝而說頌言
檢器商主利益世間者拔濟有情爲福田
釋雄寂靜大威德世尊今當入此城
若有樂求生天衆解脫生老病死苦
欲求摧伏魔羅軍應當供養釋師子
牟尼名號甚難聞多俱胝劫行精進
悲愍世間作利益大仙今入此王城
無量無邊劫行施飲食衣服及車乘
所愛男女并妻子及捨王位入於城

能施手足與眼耳
捨頭及鼻諸支分
由具一切捨功德
獲於殊勝薩婆若
善學檀那淨律儀
於戒無缺人中勝
具足忍辱勝功德
寂靜心意今入城
修習精進俱胝劫
厭離悲愍觀世間
入於禪定住寂靜
是大梵音今入城
無量智慧無等倫
猶若虛空無有際
善忍功德戒亦然
如是勝行皆清淨
勤勇摧伏魔羅衆
獲不動慧無憂惱
微妙法輪依教轉
大法自在今入城

其有樂求我善逝
彼菩提心行願成
斷慾瞋癡諸煩惱
速辦無量供養具
若人欲求梵天位
以妙供具諸天樂
欲求輪王王四洲
具足千子皆勇猛
欲求長者及小王
顏貌端嚴勝眷屬

三十二相以莊嚴
應往親近而供養
乃餘覺觀惡思欲
應當親近於大師
釋提桓因大自在
應當奉獻大牟尼
獲得七寶願成就
應當供養人中尊
獲得資財無有盡
應速往供於牟尼

若有修行解脫者
是故汝當速往聽

樂聞殊勝大仙法
於此難聞今得聞

爾時王舍大城及百千村邑聚落聞此頌驚覺
已其中男女童男童女各齎華香燒香塗香末
香華鬘并金銀花幢幡商估鼓角絃管種種音
樂一心思惟願佛攝受踴躍歡喜恭敬供養於
是世尊將入城時卽舉右足按城門闥城中之
地六種震動諸天及人百千音樂不鼓自鳴雨
天妙花城中有情盲者得視聾者得聞狂者得
本心裸者得衣服飢者得飲食貧者得資財當

此之時亦復不爲貪欲瞋恚愚癡慳悋嫉妬忿
慢之所逼惱慈心相向猶如父子彼樂音中而
說頌曰

世尊十力入於城
是大丈夫釋師子
刹那皆獲大安樂
盲者得視聾者聞
香華狂者復心無散亂
裸露之者獲衣服
白其所有飢渴得飲食
貧窮之人獲財寶
爾知無量諸天在虛空
恭敬禮拜而讚歎
雨花供養如來月
鼓角商佉諸樂音
以佛入城悉皆奏
其城中地六種動

見者奇特懷悅意 貪愛瞋癡而不逼
慳嫉慢等悉皆除 慈心相向如父子
如來十力入城時 人民安樂悉歡喜
音樂不鼓皆自鳴 獲得非常極喜悅
皆以如來威神故 天人蘇羅世間衆
如是多種俱時現 奇特殊勝不思議
當於世尊入城時 廣作多人利益事
爾時世尊入王舍城時有居家菩薩摩訶薩是
豪姓長者之子名摧過咎於里巷中遙覩世尊
相好奇特端嚴澄睟諸根寂靜觀者無厭住奢

摩他最上調伏防護諸根如善調象正念不亂
如淨泉池三十二相八十隨好莊嚴其身時彼
菩薩見如來色相端嚴成就極生尊重淨信之
心便往佛所稽首雙足右遶三匝却住一面時
推過咎菩薩摩訶薩於世尊前合掌恭敬而白
佛言世尊菩薩成就幾法速得阿耨多羅三藐
三菩提心隨所惔求淨佛國界嚴淨佛刹於是
世尊爲欲哀愍推過咎故知化緣將至於衢路
中住時有無量百千俱胝人衆皆詣佛所稽首
佛足合掌而住於虛空中復有無量百千諸天

禮敬世尊時薄伽梵告推過咎菩薩摩訶薩言
菩薩成就一法速疾證得無上菩提隨其意樂
獲淨佛刹云何一法善男子菩薩摩訶薩於一
切有情起大悲愍增上意樂應發無上菩提之
心云何增上意樂善男子增上意樂者若發菩
提心已不應起少不善法行云何少不善法行
謂不行貪愛不行瞋恚不行愚癡若住居家威
儀不應行調戲行若出家者不應求恭敬利養
善住出家所修行法謂一切法如實通達云何
一切法如實通達善男子一切法者謂蘊處界

云何通達五蘊應觀五蘊如幻遠離空性無所
緣寂靜不生不滅作如是通達亦不見通達者
亦無所見無知無思亦無分別及所分別一切
分別寂滅通達名爲菩薩摩訶薩正行不捨有
情何以故彼自知其法如是爲他有情演說有
情及法皆不可得善男子由一法成就故速證
無上正等菩提則能圓滿淨佛刹土說此佛刹
功德莊嚴成就法門時摧過咎菩薩得無生法
忍歡喜踴躍上昇虛空高七多羅樹於彼衆中
二千有情發菩提心一萬四千諸天及人遠塵

離垢於諸法中得法眼淨於是世尊熙怡微笑
從其面門放青黃赤白紅紫等光照無量無邊
世界照已還來遶佛三匝而從頂入是時具壽
阿難陀卽從座起整現衣服偏袒右肩右膝著
地於世尊前說伽陀曰

諸法自在到彼岸十方導師最勝尊
一切智者世普聞唯願今說現微笑
牟尼云何覺過去云何未來悉覺悟
現在云何而覺知唯願演說現微笑
一切有情之心行下中最上之差別

大聖文殊師利菩薩摩訶薩卷上
解脫諸想到彼岸
億那庾多諸天來
於大衆中生渴仰

唯願調御說笑因
禮敬世尊而合掌
唯願牟尼說妙法

智到於彼岸

愆過不可得

知一切勝行

何緣而現笑

如是憶俱胝

求法諸天衆

無量諸苾芻

皆來聽正法

供養發願故

無量種音聲

一切皆渴仰

願佛除疑惑

佛告具壽阿難陀汝今見此摧過咎菩薩摩訶

薩上昇虛空高七多羅樹不阿難陀白佛言世
尊已見修伽陀已見佛言阿難陀此摧過咎菩
薩却後過於六十二阿僧企耶百千劫於此三
千大千世界離熱惱劫中當得成阿耨多羅三
藐三菩提號寂靜調伏音聲如來應正等覺阿
難陀彼寂靜調伏音聲如來佛刹功德莊嚴及
以聲聞菩薩之衆亦如不動如來妙喜世界而
無異也是時世尊說是法已從於彼處漸次而
往未生怨王宮到已與苾芻衆各隨次第數座
而坐時未生怨王知其世尊并苾芻僧坐已卽

以種種飲食色香美味手自斟酌供供世尊及
苾芻僧悉令充足復以上妙衣服奉上如來及
苾芻衆爲佛及僧躬自披擻披擻已訖爲佛作
禮卽於佛前退就一面處於卑座而白佛言世
尊忿恨及覆并諸過咎及以無知從何而生從
何而滅

佛告大王忿恨及覆并諸過咎皆從我我所生
我我所者在於處建立若不知功德及以過患
名爲無知若如實知我我所者智與非智不能
施設是故大王應如是學一切有爲法本無來

去亦無言說大王法無來去無來去法不生不滅無生滅者則名爲智而是無智亦名爲智何以故諸法入出互不相知若無所知名之爲智爾時未生怨王白佛言世尊甚奇甚特如來應正等覺如是善說我今寧可聞法中天不願不聞壽命長遠是時大王復諸世尊晡時說法爾時世尊即便聽許飯食已訖而收衣鉢往靈鷲山洗足敷座入三摩地於時世尊爲欲說法於其晡時從三摩地起時具壽舍利子及諸大聲聞皆從定起時文殊師利童真菩薩亦從定起

大聖文殊師利菩薩摩訶薩
與四萬天子俱慈氏菩薩與五千菩薩衆俱師
子勇猛雷音菩薩與五百菩薩衆俱皆從定起
領諸眷屬前後圍繞詣靈鷲山頭面禮佛各各
敷座退坐一面

時末生怨王與諸眷屬前後圍繞往靈鷲山詣
如來所稽首佛足退坐一面時王舍城復有無
量百千有情悉皆共往鷲峯山中至如來所稽
首佛足退坐一面

爾時舍利子以佛威神力故從座而起偏袒右
肩右膝著地合掌向佛而白佛言世尊如來適

於王舍大城四衢路中已爲摧過咎菩薩摩訶
薩略說菩薩摩訶薩圓滿佛刹功德莊嚴善哉
世尊唯願廣說如諸菩薩行菩薩行勿令退轉
無上菩提獲一切智摧伏魔羅降諸外道淨諸
煩惱嚴淨佛刹滿其願已起善巧慧離於佛地
住於聲聞及緣覺地善轉法輪修諸波羅蜜令
其獲得薩婆若智現爲菩薩與無量無數有情
作大利益於此會中有求菩提善男子善女人
得親從佛聞說妙法歡喜踊躍彼歡喜已如說
修行爾時世尊作是思惟我今現起如是神通

由此神通現行境界普遍十方卽放多百千光明一一光明於多佛刹作那庾多百千光明照耀於彼諸刹土中映蔽日月是其光明映奪眼根所有諸天龍藥叉摩尼電火等光悉不復現亦無地獄色相及餘有情光明乃至十方諸世界輪圍山大輪圍山日真隣陀山大目真隣陀山蘇迷盧山王及餘黑山牆壁樹林以佛光明而照耀故悉皆透徹爾時世尊於斯光已作聲歎聲警覺十方無量世界是時東方去此世界過八十四殑伽沙數

諸佛刹土有世界名普遍彼土有佛號吉祥積
王如來應正等覺今現住世彼佛刹中不聞聲
聞緣覺之名唯有清淨大菩薩衆充滿其國一
一菩薩各有百俱胝不退轉菩薩摩訶薩前後
圍繞而爲眷屬彼世界中有一菩薩摩訶薩名
爲法勇以何義故名爲法勇彼吉祥積王如來
處衆說法法勇菩薩聞說法已上昇虛空高七
多羅樹自隱其身爲衆說法所謂菩薩藏法門
陀羅尼金剛句時彼衆會咸作念言一切諸法
唯有其聲善男子何以故不見其身而聞其聲

大華嚴經疏
出如是聲色成就。不現如色聲。亦爾如聲。一切
法亦爾。無量菩薩而獲得忍。以是義故名爲法
勇。時法勇菩薩摩訶薩。見大光明。聞聲歎聲。卽
時往詣吉祥積王如來所。頭面禮足。退住一面。
白佛言。世尊。以何因緣。於世間中有大光明。及
聞大聲。歎聲。昔未曾有時。吉祥積王如來告言。
善男子。西方去此過八十四殑伽沙數佛刹。有
世界名娑訶。佛號釋迦牟尼如來。應正等覺。今
現住世。爲欲召集十方世界俱胝那庾多諸菩
薩。故而今聽法。一切毛孔放此光明。及聲歎聲。

法勇菩薩卽白吉祥積王如來言世尊我今欲
往娑訶世界禮拜瞻覩供養承事釋迦牟尼如
來應正等覺兼欲見彼諸菩薩衆及聽法故佛
言可往今正是時法勇菩薩卽與六十俱胝大
菩薩衆前後圍繞從彼土沒猶如壯士屈伸臂
頃現此界中是時法勇菩薩摩訶薩作是思惟
今我作何神境通故往彼禮拜親覲供養釋迦
牟尼如來作是念已卽入一切莊嚴三摩地由
是三摩地神境通威力故令此三千大千世界
滿中妙花積至于膝百千音樂同時俱作寶幢

幡蓋種種莊嚴復以妙香普薰此界猶如他化自在天宮是時法勇菩薩現神通已與諸菩薩詣釋迦牟尼如來所頭面禮足右繞三匝隨所來方以願力故化現蓮花而坐其上爾時南方去此過九十六俱胝那庾多佛刹有世界名離塵彼現有佛號師子勇猛奪迅如來應正等覺而爲無量大菩薩衆恭敬圍繞彼世界中有—菩薩摩訶薩名曰寶手以何義故名爲寶手謂彼菩薩於諸佛土化有情時卽以右手遍捫若干諸佛世界卽隨所欲而能成辦從

其手出佛法僧聲施戒忍進禪定智慧慈悲喜
捨之聲及餘種種百千俱胝那庾多法寶之聲
以是義故名爲寶手
爾時寶手菩薩摩訶薩見大光明聞警歎聲昔
所未聞昔所未見卽詣師子勇猛奮迅如來所
頭面禮足白佛言世尊有何因緣而有此瑞現
大光明及聞如是大警歎聲佛言善男子北方
去此過九十六俱胝那庾多佛刹有此界名娑
訶佛號釋迦牟尼如來應正等覺今現住彼於
一切毛孔放大光明作警歎聲爲欲演說佛刹

功德莊嚴今無數菩薩各取本願佛刹莊嚴故
現斯瑞爾時寶手菩薩又白師子勇猛奮迅如
來言我今欲往娑訶世界禮拜親覲供養承事
釋迦牟尼如來并見諸菩薩及聽法故佛言何
用往彼雜染世界寶手菩薩白佛言世尊釋迦
牟尼如來應正等覺見何義利取彼雜染世界
而乃不取淨佛國土佛言善男子彼佛世尊昔
於長夜作如是言願我速得成就大悲常於蔽
惡有情之中成無上正覺轉妙法輪寶手菩薩
復白師子勇猛奮迅如來言世尊彼釋迦牟尼

如來乃能往昔發是大悲難發之願現於如此
惡世界中如是慈尊甚爲難遇我今當往禮拜
親覲佛言可往今正是時然汝詣彼應善謹察
無自毀傷彼佛菩薩雖爲難遇其餘有情心行
險詖難可調伏寶手菩薩復白佛言彼土雖有
忿恨怨讎無傷於我假使一切有情盡未來際
於俱胝劫瞋恨罵辱乃至刀杖瓦石打擲悉能
受之終不加報時師子勇猛奮迅如來告一切
衆菩薩言諸善男子汝等若能如寶手菩薩被
忍辱甲冑者可以俱往娑訶世界師子勇猛奮

迅如來說語已寶手菩薩一心一意與彼會
中無量菩薩前後圍繞於彼刹沒現此界中時
寶手菩薩卽作是念今我以何神通境界禮拜
釋迦牟尼如來云何安樂無量有情作是念已
卽作神通現行境界而以右手覆此三千大千
世界從於手中雨諸飲食衣服車乘金銀琉璃
眞珠珂貝珊瑚璧玉隨諸有情心所惓願悉能
充滿樂聞法者卽從手中而得聞法復使無量
聞法有情現證眞實亦令無數有情受勝妙樂
是時寶手菩薩摩訶薩作如是神通境界已與

諸菩薩往詣釋迦牟尼如來所頭面禮足右繞
三匝隨所來方以願力故化現蓮花而坐其上
爾時西方去此過九十俱胝那庾多百千佛刹
有世界名寶藏彼土有佛號寶積王如來應正
等覺今現住彼其佛刹土清淨瑠璃之所成就
無有聲聞緣覺唯是清淨大菩薩衆去來坐立
於瑠璃地皆見寶積王如來分明顯現猶如清
淨明鏡覩其面像諸是菩薩於彼地中見佛世
尊亦復如是見已請法佛便爲說往昔本願彼
諸菩薩聞法得忍彼寶積王如來常於眉間毫

相摩尼寶中放大光明遍照彼刹日月光明悉
皆映蔽不辨晝夜以花開合方辨晝夜時彼寶
積王如來刹中有一菩薩摩訶薩名殊勝願慧
遇釋迦牟尼如來光明照觸聞警欬聲便詣寶
積王如來所頭面禮足退住一面白佛言世尊
以何因緣於世間中有如是警欬之聲及大光
明佛言善男子東方去此過九十俱胝那庾多
百千佛刹有世界名娑訶佛號釋迦牟尼如來
應正等覺爲欲召集十方世界俱胝那庾多菩
薩令其聞法遍於毛孔放大光明作警欬聲時

殊勝願慧菩薩摩訶薩聞是語已又白佛言世
尊我今欲往娑訶世界禮拜親覲供養承事釋
迦牟尼如來應正等覺并見彼諸菩薩及聽法
故佛言可往今正是時爾時殊勝願慧菩薩摩
訶薩卽與諸菩薩於刹那頃來到娑訶世界時
殊勝願慧菩薩卽作是念今我以何神變往彼
親覲釋迦牟尼如來作是念已入三摩地由此
三摩地神境通故令此三千大千世界傍生焰
魔界苦悉皆停息於刹那頃獲得無上殊勝安
樂及地獄火悉皆殄滅餓鬼畜生及焰魔界有

情所有飢渴皆獲飽滿於刹那間便得安樂猶如苾芻入初靜處當於是時無一有情而爲貪恚愚癡忿恨惱害慳慢嫉妬矯誑覆藏之所逼惱一切諸趣有情互起慈心及利益心是時殊勝願慧菩薩現如是神境通已與諸菩薩詣釋迦牟尼如來所頭面禮足右遶三匝隨所來方以願力故化現蓮花而坐其上爾時北方去此過六萬三千佛刹有世界名常莊嚴彼現有佛號生娑羅帝王彼世界中無有在家衣俗服者一切菩薩皆服袈裟而彼世界

尙不聞有女人之名況胎生者一切皆著袈裟
之服結加趺坐蓮花化生彼佛世尊爲諸菩薩
常說性印法門云何名爲性印法門所謂發菩
提心卽爲滿足菩薩律儀卽入菩薩藏陀羅尼
根本處心不散動能行捨故卽入空性三摩地
住於正行故卽入無相三摩地無所惓望故卽
入無願三摩地性離貪欲故通達蘊處界於惓
望事而得覺悟而於佛智正願無生乃至通達
一切法於一切法分別無分別悉皆斷除由於
彼等作如是見是故名爲性印法門於彼會中

有一菩薩摩訶薩名相莊嚴星宿積在本願殊勝若有衆生見其身者必定當得三十二相時彼菩薩遇佛光明聞聲歎聲便詣生娑羅帝王如來所頂禮雙足右遶三匝退住一面白言世尊以何因緣有大光明及聲歎聲彼佛告言善男子於此南方過六萬三千佛刹有世界名娑訶佛號釋迦牟尼如來應正等覺於一切毛孔放此光明作聲歎聲爲欲召集十方無數世界諸大菩薩令聽法故相莊嚴星宿積王菩薩言以何因緣名爲娑訶世界佛言彼之世界能忍

貪恚愚癡及諸苦惱是故名爲娑訶世界相莊嚴星宿積王菩薩言彼娑訶世界諸有情等毀罵捶打皆能忍受耶佛言善男子彼佛世界諸有情等少能成辦如斯功德而多隨順貪恚愚癡怨恨纏縛彼菩薩言若如是者彼之世界不應名娑訶也佛言相莊嚴星宿積王彼佛刹土亦有行菩薩乘諸善男子及善女人已曾供養無量諸佛成就忍辱將護有情善自調伏若諸有情以衆苦具而來加害悉能含忍終不放逸貪恚愚癡善男子由有如此諸善丈夫是故彼

大聖大智明師菩薩摩訶薩
界名曰娑訶又彼釋迦牟尼如來世界之中亦
有有情具足衆惡少能悔過其心麁獷而無愧
恥不敬佛不重法不愛僧當墮地獄傍生餓鬼
彼釋迦牟尼如來於此下劣有情之中悉能忍
受罵辱嫌恨誹謗惱亂惡言怨憎心如大地不
可動搖無所違逆若得供養及以不得心無高
下亦無憎愛是故彼界名爲娑訶
爾時相莊嚴星宿積王菩薩又白佛言世尊我
等今者得大善利不生於彼蔽惡下劣有情之
中佛言善男子莫作是說何以故東北方有世

界名千莊嚴彼現有佛號大自在王如來應正
等覺其土有情皆悉具足一向安樂譬如苾芻
入滅盡定彼之安樂亦復如是若諸有情於彼
佛刹百俱胝歲修諸梵行不如於此娑訶世界
一彈指頃於諸有情起慈悲心所獲功德尙多
於彼何況能於一日一夜住清淨心爾時相莊
嚴星宿積王菩薩白佛言世尊我等欲往娑訶
世界禮拜親覲供養承事釋迦牟尼如來應正
等覺并見彼諸菩薩及聽法故佛言可往今正
是時爾時相莊嚴星宿積王菩薩摩訶薩與百

俱胝菩薩從彼土沒於刹那頃到娑訶世界卽
時相莊嚴星宿積王菩薩便作是念我今以何
神通之力供養禮覲釋迦牟尼如來作是念已
以自神境通於虛空中化成寶蓋覆此三千大
千世界百千萬億珠瓔寶幡周匝垂布於其蓋
中兩種種種花百千音樂不鼓自鳴復令此會苾
芻苾芻尼鄔波索迦鄔波斯迦天龍叉健達嚩
阿蘇羅藥路荼緊捺咯摩呼羅伽人非人等各
自見身具三十二相現寶蓋中爾時相莊嚴星
宿積王菩薩作如是神境通已與諸菩薩詣釋

迦牟尼如來所頂禮雙足右繞三匝隨所來方
以願力故化現蓮花而坐其上如是乃至遍於
十方各有無量阿僧祇佛刹中無量阿僧祇百
千億菩薩見大光明聞聲歎聲皆聞彼世尊而
來此土頭面禮佛各坐一面亦復如是又此三
千大千世界天龍藥叉健達嚩阿蘇羅藥路荼
緊捺唎摩呼羅伽乃至釋梵護世及餘大威徳
諸天等皆見光明聞聲歎聲咸來佛所頂禮雙
足却坐一面
爾時世尊作如是神通現行已十方阿僧祇俱

大智度論卷第二
祇無量無邊百千那庾多佛刹所有菩薩來集
會者皆見此土功德莊嚴并佛身量菩薩聲聞
及受用具名與自刹悉皆同等一一諸菩薩各
各知自己身在於其中爾時慈氏菩薩卽從座
起整理衣服偏袒右肩右膝著地合掌向佛而
說頌言

無邊智慧十方聞 大光普照人天界
一切有情共度量 無有能測於佛智
十方無量諸菩薩 爲求法故咸來集
住此悉皆瞻敬佛 而皆渴仰大牟尼

如來具戒定慧者
慧光如日照虛空
諸天龍神與士女
皆悉合掌而恭敬
過現未來可度者
如來善達諸有情
云何修行諸佛子
云何成就於大願
云何不染於慳悋
云何陵辱而能度

瑞嚴無畏如師子
名稱普聞諸佛國
并及苾芻苾芻尼
願佛哀愍爲說法
決定了知是法器
唯願演說除疑惑
獲得淨刹離塵垢
如來爲我廣宣說
云何不壞於尸羅
毀罵誹謗皆堪忍

云何勇猛勤精進
修行無倦俱胝劫
無量苦惱諸有情
悉令獲得大安樂
云何專注常等引
住三摩地清淨心
而能不染於諸境
猶如蓮花不著水
云何能說甚深法
通達出世之智慧
云何降伏魔羅軍
究竟證於無上覺
大聖文殊師利菩薩佛刹功德莊嚴經卷上
此經原刻三卷缺上卷今依大正藏補全

慧光皎日照幽空

各歸普開諸妙因

大聖文殊師利菩薩佛刹功德莊嚴經卷中 實

特進試鴻臚卿大興善寺三藏沙門大廣智不空奉 詔譯

尔時如來告慈氏菩薩摩訶薩言汝
今爲佛嚴辦法座我當昇已說往昔
意樂所修諸行善巧出生諸佛刹土
功德莊嚴趣向正行法門時慈氏菩
薩即作是念今者世尊以何義故令
我嚴座不使阿難陀大目犍連等云

何棄舍彼諸聲聞緣覺將非惟爲清
淨諸菩薩說或彼聲聞緣覺於此法
門而非器故爲菩薩故令我敷座
尔時慈氏菩薩摩訶薩即作神通現
行境界由此通故化師子座高四方
踰繕那以無量寶周帀鈿飾以天妙
衣而敷其上其衣柔軟而觸之者獲
得安樂從其座出種種光明照此三

千大千世界是時如來從本座起而
昇此座三千大千世界六種振動有
異於常

尔時世尊告具壽舍利子菩薩成就
四法能令所願皆得滿足云何爲四
一者發趣菩提意樂二者於諸有情
起悲愍心三者發起精進四者近善
知識菩薩由成就此四法故圓滿大

願

復次舍利子菩薩成就一法不退大
願淨刹成就云何一法是菩薩應當
學不動如來爲菩薩時本所修行發
弘誓願言我當所在生處若不出家
則爲欺誑十方諸佛世尊如是舍利
子是諸菩薩應隨順學若佛出世若

不出世一切生處皆悉決定捨家趣
於非家何以故而諸菩薩最勝利益
者所謂出家舍利子菩薩摩訶薩樂
出家者則能攝取十種功德云何爲
十一者不著諸欲二者樂阿蘭若三
者行佛所行四者不著妻子貪愛財
利五者離惡趣行法六者習善趣行
法七者而能獲得善根成就八者積

集善根而不退失九者恒爲諸天之
所歎美十者常爲非人之所擁護舍
利子樂出家者則能攝取如是十種
功德是故舍利子菩薩摩訶薩欲求
正覺者欲解脫有情者是故常樂出
家是故舍利子是名一法獲得成就
不退大願得隨意樂清淨佛刹
復次舍利子菩薩成就二法不退大

願隨其意樂清淨佛刹土云何爲二
所謂菩薩不樂求聲聞不樂求聲聞
乘不愛樂聲聞乘所說法不樂親近
聲聞乘者不學聲聞律儀戒不樂宣
說共聲聞乘相應之法亦不勸他行
聲聞乘於緣覺乘亦復如是惟爲勸
發有情成就最上阿耨多羅三藐三

菩提是名爲二舍利子若有勸他趣
入佛乘而此菩薩則能攝取十種功
德云何爲十一者攝取無聲聞緣覺
佛刹土二者得純一清淨大菩薩衆
三者諸佛世尊之所護念四者常爲
諸佛稱名讚歎而爲說法五者於一
切事生廣大心六者若生天上當作
帝釋或梵天王七者若生人中作轉

輪聖王八者常見諸佛世尊而不遠
離九者常爲諸天人之所愛樂十者
獲得不壞眷屬及無量福聚何以故
舍利子若有能令三千大千世界諸
有情類一切皆得阿羅漢果或緣覺
地若復能置一有情於佛菩提此之
功德甚多於彼何以故舍利子若聲
聞緣覺出現於世則不能令佛種不

斷若佛如來不出於世亦無聲聞及
以緣覺舍利子以佛世尊出現於世
是故能令佛種不斷則有聲聞緣覺
施設舍利子由此勸佗住菩提心獲
得如是十種功德不退大願得隨意
樂清淨佛刹

復次舍利子菩薩成就三法不退大

願攝取佛刹功德莊嚴云何爲三一
者尊重住阿蘭若二者無所憊望而
行法施三者安住淨戒律儀舍利子
菩薩安住淨戒律儀即能獲得十種
無畏云何爲十一者入聚落無畏二
者衆中說法無畏三者飲食無畏四
者出聚落無畏五者入寺無畏六者
入僧衆無畏七者安坐無畏八者詣

和尚阿闍梨無畏九者教誡大眾住
慈心無畏十者受用衣服飲食臥具
醫藥資緣之具無畏舍利子所謂安
住淨戒律儀獲得如是十種無畏

又舍利子菩薩說法心不憊望復能
攝取十種功德云何爲十一者不爲
多欲二者不求佗人識知三者不求
名稱四者於施主家心不繫著五者

不占愒貴族門徒六者於麤於細而
生知足七者諸天來詣不生憍慢八
者而不退於觀佛作意九者所說言
教爲佗信受十者起念佛心舍利子
菩薩法施心不憊望獲得如是十種
功德
又舍利子菩薩尊敬住阿蘭若復能

成就十種功德云何爲十一者遠離
無益談話二者樂於寂靜三者心緣
定境四者不管諸務五者愛敬諸佛
六者不捨禪定喜樂七者修梵行時
無有障礙八者少加功用證三摩地
九者所受教法名句文身未曾忘失
十者所聞法義皆悉了知舍利子菩
薩尊重住阿蘭若獲得如是十種功

德若菩薩成就三法不退大願得隨
所樂淨佛刹土
復次舍利子菩薩成就四法不退大
願獲隨所樂淨佛刹土云何爲四一
者實語如說修行二者常自謙下剪
除我慢三者遠離慳嫉四者見佗策
盛心生歡喜如是名爲成就四法
又舍利子菩薩實語有四種功德云

何爲四一者口中常出青蓮華香二者語業清淨言辭無礙三者人天之中以爲准繩四者攝取諸佛圓滿音聲舍利子菩薩實語獲得如是四種功德

又舍利子菩薩謙下有四種功德云

何爲四一者遠離惡趣不受駝驢牛

馬狗等諸傍生身二者不被輕毀三
者惡友怨敵不能凌突四者常爲人
天恭敬禮拜舍利子是爲菩薩謙下
獲得如是四種功德

又舍利子菩薩遠離慳嫉有四種功
德云何爲四一者不忘捨心二者於
飢饉時作大施主三者常不開戶四
者見律儀者於施於受不生嫉妬舍

利子是爲菩薩遠離慳嫉獲得如是
四種功德

又舍利子菩薩見他榮盛心生歡喜
有四種功德云何爲四一者常起是
心爲彼有情被此甲冑令彼快樂彼
等旣以自福及以己力獲得財寶而
受安樂而令於我倍生歡喜二者所
有財物王難水火劫賊惡友無能侵

奪三者隨所生處財寶男女及其眷
屬皆悉具足帝王歡喜何況餘人四
者財寶廣大受用無窮舍利子是爲
菩薩見他榮盛心生歡喜獲得如是
四種功德
復次舍利子菩薩成就五法不退大
願得隨所樂淨佛刹土云何爲五一

者菩薩爲淨佛剎成就莊嚴而應求
法從彼聞法應當諮問菩薩云何成
就如是功德莊嚴旣得聞已如說修
行即應求證眞如實相
又舍利子二者菩薩欲發願生淨佛
國土應當清淨持淨律儀由律儀淨
故隨其所願決定得生旣得生於淨
佛剎已即應觀察彼土取其相狀種

種莊嚴聲聞菩薩大衆受用資具既
得相已深生恭敬而爲合掌詣佛問法
又舍利子三者菩薩取被廣大佛剎
功德莊嚴彼佛世尊如其增上意樂
即便爲說由佛說故即能成就廣大
佛剎功德莊嚴彼聞法已如說修行
又舍利子四者菩薩於事於智而令
清淨遠離非法云何事云何智於能

緣所緣遠離聲聞緣覺智故名之爲
智謂所聞法皆當修行名之爲事
又舍利子五者菩薩知佛自性知刹
土自性云何佛自性云何刹土自性
佛及刹土唯有其名知其名清淨如
是知故不生執著如是舍利子是爲
菩薩成就五法不退大願獲隨意樂

清淨佛刹

復次舍利子菩薩成就六法速得阿
耨多羅三藐三菩提超越一切世間
最淨佛刹云何爲六一者此菩薩爲
大施主而行捨施所有愛樂戀著珍
玩物等而生媿恥悉能捨施踊躍歡
喜作是思惟我行大施圓滿大乘我
當滿足無上菩提又作是念不應以

斯少分而能獲得無上正覺如是思
惟已所有榮盛盡皆捨施乃至身命
應當捨施況餘財產妻子男女而不
施邪何以故舍利子薩婆若者謂何
句義舍利子菩薩摩訶薩行菩薩行
時於自所有一切皆捨以是義故獲
得菩提名一切智
又舍利子二者在家菩薩出家菩薩

若安住淨戒律儀設爲活命終不毀
犯淨戒學處所持律儀要期功德迴
向一切有情成阿耨多羅三藐三菩
提生大歡喜我是持戒者於淨戒律
儀深生愛樂晝夜專修梵行安樂即
佛法現前與理相應得實相觀住實
相觀故得甚深忍證深忍故即得正

見由正見故則正修行由住正修行
故厭惡三界由厭三界故便生怖畏
由怖畏故即求出離由懷出離見故
作是念言我既有如是苦惱一切有
情亦應如是我應為彼有情荷茲重
擔令彼獲得究竟安樂作於如是觀
察之時即得大悲既住大悲發大精
進猶如救於頭衣之然不捨精進即

能獲得薩婆若智

又舍利子三者菩薩應被忍辱甲冑
離於憍慢得大忍力若遇罵辱及捶
打時忍辱成就不生瞋恨作是思惟
假使有棒如蘇迷盧山有人執持而
見捶打盡俱胝劫常見惡罵而我
不應起瞋恨心何以故彼諸有情未隨
佛學而我欲於佛菩薩學是故若彼

所有打罵便能增長尔所大悲我當
爲彼有情被弘誓甲冑攝取有情令
得解脫離於生死入於涅槃是故我
今不應瞋恨若被如是忍辱甲冑即
能獲得十種成就云何爲十一者族
姓成就二者財產成就三者眷屬成
就四者色相成就五者捨施成就六

者善友成就七者得聞正法成就八者
如說修行成就九者臨命終時得見
諸佛承事成就十者既見佛已生淨
信心成就舍利子是爲菩薩十種成就
又舍利子四者菩薩發大精進堅固
要期成就善法被於如是精進甲
冑作是思惟爲一切有情盡未來際
於生死中次第修行諸精進行而

不疲倦以善要期爲一切有情於余
所劫流轉生死發是精進不捨有情
舍利子若有菩薩以十方各如殑伽
沙數世界滿中七寶於念念中奉上
如來如是相續盡未來際若有菩薩
內懷增上意樂住大悲心以如是心
被精進甲冑而此功德復多於彼舍
利子菩薩具此精進得十種功德云

大聖文殊師利菩薩功德莊嚴經卷中 第五

實

何爲十一者離凡愚行二者攝取佛
行三者於生死中作過患想四者由
此攝取大悲五者不退往昔本願六
者少諸疾病七者不違越三世諸
如來故八者薄婬怒癡九者隨其所
聞於名句文皆悉通達十者修行成
就舍利子發精進者獲得如是十種

功德

又舍利子五者菩薩憶念諸佛世尊
由此心得專注觀於如來常恒得定
靜念成就作是思惟我應行如來行
若心散動失念則不能得殊勝之處
所謂佛智是故應當捨離心所攝受
一切之物亦捨一切利養恭敬聚落
城邑飲食資生及諸親友爲欲利益

諸有情故不捨有情樂阿蘭若住寂
靜處獨行無侶如犀一角住阿蘭若
寂靜處已起大慈心初徧一方二三
四方乃至十方徧有情住於慈心
住已則得名爲住禪那者舍利子若
有菩薩以一切樂具於殑伽沙劫供
養一切殑伽沙諸佛及苾芻僧并諸
眷屬若有出家菩薩求於寂靜往阿

蘭若而行七步如此福德甚多於彼
何以故以能速得大菩提故舍利子
樂於寂靜住禪那者則能獲得十種
功德云何爲十一者得念二者得慧
三者得正修行四者堅志勇猛五者
得遇疾辯六者得陀羅尼七者於生
於死而得善巧八者於戒蘊等處而

不動搖九者諸天奉事十者於陀榮
盛而不貪羨舍利子樂於寂靜住禪
那者獲得如是十種功德
又舍利子六者菩薩善應了知慧所
流出而作是念慧從何生謂從淨戒
律儀起生而是慧者能令一切白法
增長是故菩薩應學一切世間智慧
工巧呪術鑿方難作難成悉皆徧學

如是學已復作是念而今此慧不能
證入離欲寂滅亦復不能趣向神通
及以正覺非向沙門非婆羅門非向
涅槃是故我今應更徧求法藥工巧
以如是慧令我得彼究竟寂滅而彼
菩薩求諸法本不見少法能起於法
以不見故住於寂滅住寂滅故則無
熱惱無熱惱故了知生死爲於有情

而作利益令諸有情滅除衆苦舍利
子是爲菩薩成就六法不退大願得
隨意樂淨佛刹土

復次舍利子菩薩成就七法不退大
願得隨所樂淨佛刹土云何爲七一
者自己所有一切皆捨所捨不可得
故二者於戒不缺不思惟戒故三者

忍辱柔和有情不可得故四者發起
精進於身口意不可得故五者成就
靜慮不住靜慮故六者智慧圓滿無
分別故七者隨念諸佛遠離相故舍
利子菩薩如是成就七法不退大願
獲得一切淨佛刹土種種莊嚴
復次舍利子菩薩成就八法不退大
願得隨所樂淨佛刹土云何爲八一

者心不嫉妬二者施莊嚴具三者其
心廣大四者尊敬法師五者不行邪
命六者平等惠施七者不自矜高八
者不輕蔑佗舍利子是爲菩薩成就
八法不退大願得隨意樂淨佛剎土
復次舍利子菩薩成就九法不退大
願得隨所樂淨佛剎土云何爲九一
者具身律儀二者具語律儀三者具

大聖殊師利功德莊嚴經卷中

第七

實

意律儀四者令貪欲衰謝五者令瞋
恚衰謝六者令愚癡衰謝七者不行
欺誑八者爲堅固善友九者不輕慢
善友舍利子菩薩如是成就九法不
退大願得隨意樂淨佛刹土
復次舍利子菩薩成就十法不退大
願得隨意樂淨佛刹土云何爲十一

者菩薩執持妙華詣如來所或牽堵
波興供養時作是願言如此妙華色
香殊勝見者欣悅我成佛時令我刹
中種種妙華徧布其地及衆寶樹周
帀莊嚴乃至燒香末香塗香衣服飲
食寶蓋幢幡金銀瑠璃眞珠車渠珊
瑚等寶用奉獻時應如是迴向佛刹
功德莊嚴菩薩應當住淨律儀若住

戒者隨心所願皆得成就

復次舍利子二者菩薩觀察自受樂
時作是願言兼佗同受如是之樂是
故菩薩成正覺時其佛剎中所是有
情悉皆具足一向安樂

復次舍利子三者菩薩不於佗發不
喜悅言詞常出善巧語言作如是願
得菩提時我佛剎中勿令有情聞不

悅聲常使得聞悅意之聲

復次舍利子四者菩薩常勸有情修
十善道所有善根共諸有情迴向薩
婆若智得菩提時我佛刹中悉令成
就十善業道

復次舍利子五者菩薩隨所至方眼
所見者有情男女童男童女一切皆

勸令修無上正等菩提終不讚揚二乘
果故是故菩薩得菩提時彼佛剎中
所生有情一切皆悉發於無上菩提
之心遠離聲聞緣覺之意獲得如是
清淨剎土諸菩薩衆充滿其中
復次舍利子六者菩薩於他利養終
不遮斷見他得利常生歡喜是故菩
薩得菩提時彼佛剎中所是有情受

用資具恒無斷絕獲得如是大法光明
復次舍利子七者菩薩若見苾芻苾
芻尼有犯過者終不發揚但自安住
正法之中是故菩薩得菩提時彼佛
剎中一切無有過失之聲何以故以
彼大衆皆得清淨無過失法故
復次舍利子八者菩薩樂法求法不
生熱惱凡所聞法正住修行得菩提

時彼佛刹中有情樂法皆無熱惱如
所聞法隨順修行

復次舍利子九者菩薩以商佉鼓角
弦管種種音樂奉獻如來窣堵波時
以此善根迴向成就佛刹莊嚴是故
菩薩得菩提時彼佛刹中百千音樂
不鼓自鳴

復次舍利子十者菩薩若見失念有
情作是願言令得正念是故菩薩
得菩提時彼佛剎中一切有情得禪
悅食舍利子如是佛剎具足功德設
使如來辯才或於一劫或過一劫說
不能盡舍利子然我今者隨諸菩薩
之所樂欲如是略說令增上意樂者
聞已趣向當獲圓滿佛剎功德

復次舍利子菩薩成就三法速得無
上正等菩提所求佛刹皆得成就云
何三法一者住不放逸二者如所聞
法起正修行三者發殊勝大願
舍利子若菩薩成就此三法者速證
無上正等菩提隨其所樂淨佛刹土
皆得圓滿

余時具壽舍利子白佛言世尊希有

如來善說此法世尊由住不放逸故
獲得一切菩提分法住正修行故得
大菩提以大願殊勝故成就佛剎
佛告舍利子如是如是如汝所說由
不放逸故得菩提分法由住正修行
故得大菩提由發殊勝大願故得淨
佛剎圓滿莊嚴

舍利子如我往昔依勝願故成如是
刹舍利子我由住不放逸故滿其大
願由正修行故得大菩提舍利子若
但言說而不修行尚不能至聲聞之
地何況能得無上菩提是故舍利子
菩薩應當要期真實如說修行於諸
學處應如是學

尔時會中四萬菩薩從座而起合掌

向佛異口同聲白言世尊如佛所說
菩薩學處我當隨學住不放逸成就
修行滿其大願嚴淨佛剎如是之行
我當行之若諸菩薩隨其所願我當
滿足
尔時世尊熙怡微笑時舍利子白佛
言世尊以何因緣現此微笑佛告舍
利子汝見此諸善男子作師子吼不

舍利子言唯然已見佛言舍利子此
諸善男子過百千劫各於異剎得阿
耨多羅三藐三菩提同號願莊嚴亦
如當來師子佛等其國清淨與無量
壽如來剎土不增不減唯除壽量舍
利子言彼諸如來壽量幾何佛言彼
一一佛皆壽十劫

今時師子勇猛雷音菩薩即從座起
偏袒右肩右膝著地合掌向佛白言
世尊是文殊師利童真菩薩諸佛如
來常所稱讚是文殊師利久如當得
無上菩提所得佛刹當復云何佛告
師子勇猛雷音菩薩摩訶薩言善男
子汝當自問文殊師利童真菩薩師
子勇猛雷音菩薩問文殊師利言汝

於何時當得阿耨多羅三藐三菩提
荅言善男子汝何不問我云何住於
無上菩提而乃問我成菩提也何以
故我於菩提尚猶不住云何令我證
菩提邪菩提之法不住不證而我云
何有所證住師子勇猛言文殊師利
汝豈不爲利一切有情證菩提邪荅
言不也善男子何以故有情不可得

故若有情可得我當爲彼有情證於
菩提而住菩提有情壽命及補特伽
羅皆無所有是故我今不住菩提亦
不退轉師子勇猛言文殊師利汝豈
不住於佛法邪不也善男子一切諸
法住於佛法凡所有法無漏無際無
相無形是故佛住於如如佛所住一

切諸法亦復如是師子勇猛復言善
男子今汝所言我不住於佛法我今
當問如是之義應當忍許而爲我說
荅言善男子於意云何爲色求菩提
邪爲色本性爲色如如爲色自性爲
色空性爲色遠離爲色法性求菩提
邪善男子於意云何若色是菩提色
豈證菩提邪色本性色如如色自性

色空性色遠離色法性證菩提邪答
言不也文殊師利色不求菩提菩提
無色本性無色如如無色自性無色
空性無色遠離無色法性無色而證
菩提乃至廣說色法性亦不證菩提
文殊師利言善男子於意云何受想
行識求菩提邪善男子受想行識證
菩提邪乃至識法性證菩提邪答言

不也文殊師利受想行識不求菩提
不證菩提乃至識法性不求菩提不
證菩提文殊師利言善男子於意云
何離於五蘊有我我所施設邪答言
不也文殊師利言善男子云何二法而
證菩提師子勇猛言文殊師利初發
心菩薩聞如是語對文殊師利皆生

驚怖以文殊師利此語便爲定量此
諸菩薩而作是言我不求菩提不證
菩提文殊師利言善男子一切諸法
無有驚怖於實際中亦無驚怖佛爲
無驚怖者而演說法若驚怖者彼則
生厭若生厭者彼則離欲若離欲者
彼則解脫若解脫者則無菩提若無
菩提是則不著彼若無著是則無去

若無有去是則無來若無有來則無
願求若無願求則無所求若無所求
則不退轉若不退轉從何而退從我
執退邪從有情壽命及補特伽羅若
斷若常取相分別而生退邪彼若退
轉無退轉者云何而退從空性無相
無願實際及諸佛法退邪從何佛法
而退轉邪謂不離佛法不究竟佛法

無所觀無所出入無所行亦無表示
唯有其名空無生無滅無去無來遠
離清淨離染無塵離塵不平不等遠
離作意無盡無執著無等無非等是
爲佛法善男子所有佛法此法無法
何以故其處不可得故若如是佛法
生者善男子新發意菩薩聞此說已

必生驚怖速證菩提若不驚怖不證
菩提師子勇猛言文殊師利云何如
是密意而說答言善男子若驚怖若
分別彼等咸皆證於菩提如是發心
若不發心爲於正覺所來之者皆證
菩提
復次不發心者彼不得菩提亦不思
惟彼菩提心實無所得亦不分別若

不分別不證正覺以何因緣不證正
覺彼不得菩提亦不證菩提何以故
善男子虛空界豈證菩提邪答言不也
文殊師利言善男子如來豈不說一
切法同虛空邪答言如是如是文殊
師利言如虛空菩提亦尔如菩提虛
空亦然虛空菩提無二無別若菩薩
知此平等則無所知亦無不知說此

法時一萬四千苾芻盡諸有漏心得
解脫十二那庾多苾芻遠塵離垢於
諸法中得法眼淨九萬六千有情昔
未曾發無上菩提之心今皆已發五
萬菩薩得無生法忍
尔時師子勇猛雷音菩薩白文殊師
利言汝發無上菩提心來為幾時邪

文殊師利言止善男子莫於無生法
中而起分別善男子若有作如是言
我發菩提心我爲菩提行行彼等是
大邪見者善男子我不見彼心爲菩
提發故我以心不可見故是不爲
菩提發心師子勇猛言文殊師利是
何句義文殊師利言善男子若無所
見是名平等如向所說師子勇猛言

文殊師利云何名爲平等善男子平等者無種種相由此平等說一切法一味一味者說一性說一性者寂靜性則無雜染亦無清淨如是說法不斷不常不生不滅無我無攝受不取不捨如是說法說已無所思亦無所分別善男子於此平等法中起修行智名爲平等

復次善男子菩薩入於如是法性不見異不見一名爲平等其平等者離不平等於不平等中及以平等本來清淨

尔時師子勇猛雷音菩薩白佛言世尊今文殊師利不肯自說我於無上菩提發心遠近大衆皆欲樂聞佛言

大聖文殊師利菩薩摩訶薩
善男子文殊師利是甚深忍者乃至
甚深忍亦不可得菩提不可得心亦
不可得以心不可得故是故不說發
心遠近善男子汝應善聽我今當說
文殊師利童真菩薩久已發於無上
菩提之心

善男子過去久遠過七十萬阿僧企
邪百千苑伽沙劫彼時有佛號雷音

如來應正等覺明行足善逝世間解
無上士調御丈夫天人師佛世尊出
現于世在於東方去此過七十二那
庾多佛刹有世界名無生彼雷音如
來於中說法諸聲聞衆有八十四俱
胝那庾多諸菩薩衆二倍過前善男
子彼時有王名曰虛空七寶具足王
四天下正法理化爲法輪王善男子

彼虛空王於雷音如來會中八萬四
千歲以種種樂具衣服飲食宮殿臺
觀僮僕給侍一一殊妙恭敬供養承
事雷音如來及諸菩薩聲聞大衆其
王親族中宮婢女王子大臣唯務供
養餘無所作雖經多歲初無疲倦過
八萬四千歲後其王是時獨居無侶

作是思惟我已積集無量善根我今
迴向如是善根欲求何願爲求帝釋
爲梵王邪爲轉輪聖王邪爲求聲聞
邪緣覺邪善男子彼虛空王作是念已
空中諸天告言大王止止勿起如是
下劣之心何以故王之所集福聚甚
多大王應發無上菩提之心
善男子時虛空王聞作是語已歡喜

念言我今於此決定不退何以故天
知我心而來告我善男子今時虛空
王即與八十俱胝那庾多百千有情
往詣雷音如來所頂禮雙足右遶七
匝退坐一面又善男子彼虛空王向
雷音如來合掌說伽佉曰

我問最勝法

惟願入尊說

云何得最勝

丈夫人中尊

對於世尊前

我已廣供養

以心無所依

未曾發迴向

獨處生是念

一緣繫此心

已作廣大福

云何而迴向

爲求於釋梵

及以轉輪王

爲求於聲聞

并及於緣覺

心中作是念

諸天告我言

若發下劣心

其福當損壞

大王發勝願

作諸有情利

爲度世間故

應發菩提心

我問於徧覺

諸法自在者

云何發是心

成於等正覺

以何獲此處

爲我而顯示

應發菩提念

等同於牟尼

從空聞是語

故白於如來

大王汝當知

我今次第說

諸法屬因緣

樂欲爲根本

如彼所希願

獲果亦如是

我昔於過去

亦曾發是心

利益諸有情

發如是勝願

由彼勝願故

而獲殊勝果

我證大菩提

滿足勝希願

大王應勇猛

當發如是心

而行此妙行

汝必成正覺

從佛聞是語

其王大歡喜

而作師子吼

世間皆振動

乃至本初際

及盡生死邊

利益諸有情

我行無邊行

對於大衆前

我發菩提心

誓度諸羣生

皆離於衆苦

願從今已後

若我有染行

瞋恚嫉妬心

并我慢貪愛

是欺誑十方

及現在諸佛

從此而已後

乃至證菩提

誓行於梵行

我捨貪欲罪

隨佛而修學

淨戒柔和忍

不以忽遽心

速求成正覺

我盡未來際

於一一有情

淨於佛刹土

無量不思議

稱揚彼名號

普聞十方國

我今自授記

成佛不應疑

對於導師前

我淨於意業

及淨於身業

乃至於語業

悉皆令清淨

不應起不善

以我真實行

得佛刹世間

由斯誠實言

地當六種動

我若不實語

四大互遷易

以言誠實故

當有諸音樂

空中而自奏

以我實無矯

亦無諸結使

以斯誠實故

願雨天妙華

由說不妄語

真實警覺故

於十方無量

俱胝剎震動

剎那於虛空

俱胝音樂奏

雨妙曼陀華

高七迷盧山

二十俱胝人

隨彼王而學

皆出微妙音

我等當成佛

如二十俱胝

一切人亦亦

學主求正覺

善男子彼時虛空王者莫作異觀今
文殊師利童真菩薩是也童真菩薩
當彼之時爲虛空王過七十萬阿僧
企邪百千殑伽沙劫最初發於菩提
之心又過六十殑伽沙劫得無生法
忍從此已後滿足十地具足十力亦
滿一切如來之地亦滿足一切佛法
亦不曾於一念起如是心我證無上

正等菩提

復次善男子彼時二十俱胝人同與
彼王於雷音如來所發菩提心者皆
已證於無上菩提轉不退法輪爲阿
僧祇有情而作佛事作佛事已以佛
涅槃而般涅槃彼等皆是文殊師利
之所勸發於施戒忍進定慧悉皆次

第承事彼等諸佛所有教法皆悉護
持餘有一佛在此下方過四十殑伽
沙佛土世界名地佛號地天壽命無
量今見住世有無量聲聞之所圍遶
說此文殊師利往昔事時衆中七十
有情皆發無上正等大菩提心

僧圓謙刀

大聖文殊師利菩薩佛刹功德莊嚴經卷中

大聖文殊師利菩薩功德莊嚴經卷下 寶

持進武鴻臚卿金興善寺藏沙門大廣智不空奉

詔譯

尔時師子勇猛雷音菩薩白文殊師
利言仁者已滿足如來十力及以十
地一切佛法悉皆圓滿何故不證無
上菩提文殊師利言善男子豈有圓
滿諸佛法已更證菩提何以故已圓
滿故更何所證師子勇猛復言文殊

師利云何圓滿諸佛法邪答言眞如
圓滿由眞如圓滿故一切佛法圓滿
由一切佛法圓滿故虛空圓滿虛空
眞如一切佛法無二無別復次善男
子如汝所言佛法圓滿佛法圓滿者
色圓滿受想行識圓滿佛法圓滿亦
復如是師子勇猛言文殊師利云何
色圓滿云何受想行識圓滿文殊師

利言善男子汝所見色是常邪爲無
常邪荅言不也文殊師利言善男子
若法不增不減是名圓滿以何因緣
知法圓滿轉如是智則生分別智若
不轉則不分別亦無所分別亦不增
不減若不增不減則名平等是故善
男子若見色平等者則是色圓滿若

見受想行識平等者則是受想行識
圓滿

尔時師子勇猛雷音菩薩白文殊師
利言汝久已得甚深忍而不起心作
如是解我證菩提今文殊師利豈不
欲覺悟有情而勸發邪答言善男子
我不曾覺悟有情及以勸發何以故

有情無所有故有情遠離故有情無
所得故若菩提可得是則覺悟有情
而有勸發善男子我及菩提有情俱
不可得是故我覺悟有情勸發平等
不令求於無上菩提亦不退轉何以
故無所分別性平等故了知於行無
來無去名為平等亦名空性句空性
句者則無所求善男子若如是者云

何言久而獲得忍既無所得我豈有
心證菩提邪善男子汝見心與智得
邪荅言不也文殊師利言其心非色
無名乃至菩提以名施設是菩提及
心亦不空名亦不空師子勇猛言菩
男子莫作如是密意而說文殊師利
言心無所生我云何得菩提邪心既
不生云何爲現證邪師子勇猛言云

何名現證文殊師利言善男子隨覺
一切法思惟平等名爲現證作是隨
覺無少起想亦不滅想名爲現證如
是真如非真如不起分別名爲現證
若住正見於法平等無所得故以無
所得不作一不作異不思一不思異
名爲現證若於身證一相知一切法

所謂無相若知一切法無相者不於身心而有染著名現證得云何名得文殊師利言善男子無所行句是名爲得無所行者不於三界中行三界言說所不能說何以故正法無阿賴邪亦無所行故不能言說復次善男子無聲言說亦無法可得以無所得是故名得

尔時師子勇猛雷音菩薩白佛言世
尊善哉願說文殊師利童真菩薩所
得佛刹佛言善男子汝當自問文殊
師利童真菩薩時師子勇猛雷音菩薩
摩訶薩白文殊師利言云何是仁者
佛刹莊嚴答言善男子若樂苦提者
汝可當問師子勇猛言汝豈不樂苦
提邪文殊師利言不也善男子若有

樂求則有厭離若有厭離則有貪愛
若有貪愛則無出離善男子我為是
故而不忻樂亦無厭離復次善男子
汝言云何成就佛剎莊嚴我不能自
讚何以故對於如來一切智前說自
佛剎功德莊嚴即為菩薩自讚已德
佛告文殊師利汝可當說自願佛剎

功德莊嚴何以故令諸菩薩從汝聞
已決定成滿此之願故文殊師利言
我不敢違於如來教命承佛威力我
今說之

尔時文殊師利童真菩薩從座而起
偏袒右肩右膝著地向佛作禮而白
佛言世尊我今當說若有求菩提善
男子善女人應當諦聽若得聞已令

其滿足真實之行由文殊師利右膝
著地之時於剎那間十方大地苑伽
沙數諸佛世界六種震動文殊師利
白佛言我願若不於無量俱胝那庾
多百千劫積集菩提我終不證無上
正覺卅尊我以無礙天眼見於十方
乃至無量無邊世界所有諸佛卅尊
若非是我勸發無上菩提之心修菩

提行勸學施戒忍進禪慧令彼成就
六波羅蜜我既勸已教授教誡悉令
滿足無上正覺世尊彼時我以無礙
天眼觀察十方作佛事已然後我證
無上菩提

尔時衆中或有菩薩作是念言云何
文殊師利童眞菩薩見如是等諸佛

世尊是時如來知諸菩薩作是思惟
告師子勇猛雷音菩薩言善男子譬
如有一丈夫以此三千大千世界碎
如微塵於意云何彼微塵若筭師筭
師弟子筭知其數是百是千是俱胝
那庾多百千不不也世尊佛言善男
子如是文殊師利童真菩薩以無礙
天眼觀察十方一一世界見於如是

無量無數諸佛世尊

尔時文殊師利又白佛言世尊我有
如是願以苑伽沙數廣大世界成一
佛剎其佛剎中牆壁高大至于有頂
無量百千衆寶莊嚴復以無量妙寶
間錯鈿飾若不尔者我終不證無上
菩提
復次世尊我復有願令我剎中菩提

之樹其量正等萬大千界彼樹光明
徧照一切諸佛刹土復次世尊我復
有願坐菩提樹已於其中夜成等正
覺乃至般涅槃夜於其中間不起于
座但以化身徧於十方無量無數俱
胝那庾多諸佛刹土為諸有情而演
說法

復次世尊我復有願令我剎中無有
聲聞緣覺之名唯有清淨大菩薩衆
離一切過及諸惑等皆是清淨梵行
之者滿此佛剎其佛剎中無女人名
一切菩薩唯是化生悉披袈裟結跏
趺坐如是菩薩充滿其國唯除如來
之所變化往詣十方爲諸有情隨其
意樂說三乘法

大智度論卷之四
爾時師子勇猛雷音菩薩白佛言世
尊文殊師利當來成佛名字何等佛
言善男子此文殊師利成佛之時名
爲普見善男子以何因緣稱彼如來
号爲普見善男子普見如來普使十
方無量阿僧祇俱胝那庾多百千世
界中普令見故名爲普見彼諸有情
見彼佛者決定當得無上菩提普見

如來雖未成佛若我現在及滅度後
有聞其名亦皆決定當得阿耨多羅
三藐三菩提唯除已入聲聞尼夜摩
位及下劣勝解之者
復次文殊師利白佛言世尊我復有
願如無量壽如來剎中以法喜爲食
而我佛剎中菩薩初生起食想時即

便百味飲食盈滿於鉢在右手中尋
作是念若未供養十方諸佛及施貧
窮苦惱有情并餓鬼趣於其千歲乃
至不得涕唾食者若不惠施令其飽
足我終不食於剎那頃獲五神通有
大威德乘空無礙如風不著即往十
方無量無數諸佛剎中以食供獻諸
佛卅尊并聲聞衆及施貧匱苦惱有

情并餓鬼趣令其充飽離乎飢渴即
為說法旣說法已於剎那頃還至本土
復次世尊我復有願得菩提已於我
剎中若諸菩薩初生之時所須衣服
隨其意念即於手中而出清淨沙門
所宜衣服是衣出已便作是念若不
以此寶衣先當供獻十方諸佛而我
不應便自受用纔發是念即時往詣

無數世界以此寶衣奉獻諸佛還復
本處然自披揲

復次世尊於我刹中諸菩薩衆所有
受用之具先皆奉獻諸佛世尊并聲
聞衆然自受用又我刹中遠離衆苦無
及不善聲願於我刹中遠離衆苦無
有毀犯淨戒律儀於色聲香味觸無

不悅意

尔時師子勇猛雷音菩薩白佛言世
尊而彼世界名号何等普見如來成
佛出現復在何處佛言善男子彼佛
世界名如願圓滿積集離塵清淨其
佛刹土在此南方娑訶世界亦在其中
復次文殊師利童子其菩薩白佛言我
復有願於我刹中積集無量百千衆

寶無量摩尼互相影現所有大寶十方刹土之所難得亦未曾見彼所積集摩尼寶等所有名号於百千俱胝歲說不能盡世尊彼世界中菩薩樂見彼刹而爲金者即現於金樂見銀者即現於銀然於見金未曾損減樂見吠瑠璃頗胝迦赤珠碼碯牟薩羅寶無量諸寶各隨所樂見種種相并

及彼沈水香多薜羅香多摩羅跋香
龍腦香旃檀香各隨所欲悉皆得見
非彼世界寶相變異彼佛剎中不假
日月星宿摩尼火光之所照見皆從
菩提樹自然出光而作照明彼諸菩
薩意所欲樂以此光明照彼俱胝那
庾多百千世界無有晝夜以華開合

辯其晝夜隨諸菩薩所樂時節即皆
應之亦無寒暑及老病死若諸菩薩
隨其所樂欲證菩提即往餘刹於觀
史多天壽盡降生而成正覺於彼佛
刹空中常奏俱胝那庾多百千種樂
雖不現相而聞其聲於彼樂中無有
貪染相應之聲唯出諸波羅蜜聲佛
聲法聲僧聲諸菩薩藏法教之聲悉

皆得聞彼中菩薩渴仰於佛隨所詣
處經行坐立應念即見普見如來應
正等覺坐菩提樹若諸菩薩於法有
疑但見彼佛不待解說疑網皆斷解
了法義

尔時會中無量俱胝那庾多百千諸
菩薩衆異口同音而說是言今此世
尊名義相稱所謂名號普見如來若

有得聞其名號者快哉獲得殊勝之
利何況得生彼佛刹中若有得聞如
是授記所說法要及聞文殊師利童
真菩薩名號經於耳者是則名為面
見諸佛說是語已尔時世尊告諸菩
薩言如是如是如汝所說善男子若
有受持俱胝那庾多百千如來名號

若復有稱文殊師利童真菩薩名者
福多於彼何況稱於普見佛名何以
故彼俱胝那庾多百千如來利益有
情不及文殊師利於一劫中所作利益
亦時俱胝那庾多百千天龍藥叉健
達縛阿蘇羅摩路荼緊那羅摩呼羅
伽人非人等同聲唱言那謨文殊師
利童真菩薩那謨普見如來應正等

覺衆多天龍說是語已八十俱胝那
庾多百千有情發無上正等大菩提
心無量有情成熟善根於無上菩提
得不退轉文殊師利復白佛言世尊
我復有願如我所見十方無量無數
俱胝那庾多百千諸佛世尊而彼諸
佛所有佛刹功德莊嚴行相之類如
是一切皆令置我一佛刹中唯除而

大聖文殊師利菩薩功德莊嚴經卷下

為聲聞現化所莊嚴刹及五濁之世
若我自讚佛刹功德莊嚴過余所殖
伽沙劫說不能盡世尊如我所願唯
佛世尊應正等覺餘不能知佛言如
是如是文殊師利如來知見於三世
中無有限礙

尔時眾中或有菩薩作如是念文殊

師利所說佛刹功德莊嚴與無量壽
如來刹土爲等不邪是時世尊知彼
菩薩心之所念即告師子勇猛雷音
菩薩言善男子譬如丈夫而折一毛
以爲百分以一分毛於大海中取一
滴水善男子彼一毛水多大海水多
師子勇猛白佛言世尊一毛水少大
海水多佛言善男子彼丈夫所舉一

毛端水如無量壽佛剎功德莊嚴餘
大海水如普見如來佛剎功德莊嚴
應如是見

尔時師子勇猛白佛言世尊過去現
在及以未來頗有如是佛剎功德莊
嚴已不佛答言有善男子東方去此
過八十俱胝百千殑伽沙世界彼有
佛剎名願住高踊是中有佛名普光

大聖文殊師利菩薩嚴經卷下 第三寶

常多功德海王如來今現住彼佛壽
無量無邊復有無量大菩薩衆圍遶
說法善男子彼佛刹土功德莊嚴與
普見如來佛刹不增不減有四菩薩
被不退甲冑住如是行善男子彼諸
菩薩亦當得此普見如來佛刹莊嚴
師子勇猛言惟願說彼菩薩名號及

其住處并說普光常多功德海王如
來佛刹爲我示現彼佛菩薩令諸菩
薩取彼佛刹佛言善男子汝等諦聽
我今當說善男子第一菩薩名光明
幢在於東方無憂吉祥如來佛刹第
二菩薩名爲智上在於南方智王如
來佛刹第三菩薩名爲寂根在於西
方慧積如來佛刹第四菩薩名爲願

慧在於北方那羅延如來佛刹
今時世尊以神境通現普光常多功
德海王如來佛刹令此大會見彼如
來及菩薩衆并其佛刹功德莊嚴昔
所未見亦未曾聞不可思議衆相成
就彼此世界互得相見猶觀掌中阿
摩勒果彼佛世尊普光常多功德海
王如來身量八萬四千踰繕那金色

光明端嚴照曜如蘇迷盧山王與四
萬二千踰繕那身量菩薩摩訶薩前
後圍遶於無量功德莊嚴菩提樹下
坐師子座往俱胝那庾多世界為諸
有情而演說法
今時世尊告諸菩薩言善男子汝等
見彼如來佛剎功德莊嚴菩薩衆不

時諸大衆異口同聲白言世尊唯然
已見我等當今此菩薩行如文殊師
利童真其菩薩之所修行我等亦當成
就如此莊嚴佛刹

尔時世尊泐怡微笑從其面門放種
種光所謂青黃赤白紅紫等光照曜
無量無邊世界照已還來遶佛三匝入
於佛頂

尔時慈氏菩薩摩訶薩白佛言世尊
以何因緣現此微笑佛告慈氏由現
彼佛世界功德莊嚴時此大衆中八
萬四千菩薩見彼佛刹莊嚴之事如
文殊師利童真佛刹於彼衆中唯有
十六正士而能成就增上意樂作是
願言如文殊師利國土莊嚴願令我
等亦當如是除十六正士餘無能發

大聖文殊師利功德莊嚴經下第七品實

如是大願樂速疾證無上菩提所求
佛國如無量壽莊嚴功德慈氏汝今
見不意樂成就菩薩而能作大利益
由增上意樂故發是勝願是故得彼
佛刹如文殊師利其諸菩薩少有信
心志願下劣由羸劣業過六十俱胝
那更多百千劫然始得滿五波羅蜜

尔時光明幢智上寂根願慧等四大
菩薩從四方來而現於此各於無量
吠瑠璃光明樓閣中坐有俱胝那庾
多百千天衆圍遶震動諸刹以種種
神通散俱胝那庾多百千華及奏音
樂是時慈氏菩薩摩訶薩白佛言世
尊以何因緣於此世界大地震動四
方復有四樓閣現佛言慈氏是四菩

薩由佛驚覺而來親觀於佛世尊所
言未訖於剎那頃此四菩薩從樓閣
下往詣佛所頭面禮足遶佛三匝退
坐一面彼菩薩光從四方來普照大衆
今時世尊告諸菩薩言善男子此四
正士住不思議旨趣汝等於彼正士
應發殊勝恭敬之心當問法要善男
子汝等當聽彼正士願彼正士願者

所有菩薩乘善男子善女人若有得
見彼四菩薩於無上菩提得不退轉
超二十俱胝劫流轉生死具足圓滿
五波羅蜜若有女人聞其名者速得
捨離女人之身是時世尊現彼剎已
還攝神力而彼世界忽然不現
尔時文殊師利白佛言世尊一切法

如幻譬如幻師化作幻事幻而復隱
世尊如是一切法生已復滅亦無生
滅此則平等世尊若學平等疾證無
上正等菩提今時智上菩薩白文殊
師利童真菩薩言云何而證無上菩
提文殊師利言善男子法無所得亦
無所壞於無無所著於有無所得智
上菩薩言文殊師利爲於有故獲於

善提爲於無邪荅言善男子法本無
生無已有無今有無當有究竟無所
得故智上菩薩言文殊師利以何一
相而說於法文殊師利言善男子云
何所說一相法邪智上菩薩荅曰文
殊師利不見蘊及處界亦非無見亦
非有見於法無分別亦無所分別又
不於法而見積集亦不於法而見散

失是即名爲一相法門

師子勇猛雷音菩薩曰若於法性不
違法性不作種種分別是凡夫法是
聲聞法是緣覺法是如來法入於一
相謂遠離相是即名爲一相法門
喜見菩薩曰若修行眞如而於眞如
無所思惟亦不分別此是甚深是即

名爲一相法門無盡辯菩薩曰諸法
皆盡究竟盡者乃曰無盡說一切法
不可盡者是即名爲一相法門善思
惟菩薩曰若於思惟入不思惟彼無
所思亦不可得是即名爲一相法門
離塵菩薩曰若究竟不染於一切相
染無所染亦不愛不恚不癡不作一
不作異亦非作亦非不作不取不捨

是即名爲一相法門

娑婆羅菩薩曰若入甚深法難測如
大海而於正法亦不分別如是住如
是說於自無所思於他無所說是即
名爲一相法門

月上童真菩薩曰若思惟一切有情
平等如月而亦不思我及有情如是
說者是即名爲一相法門

凡字

僧資真玉

大聖文殊師利菩薩摩訶薩功德莊嚴經卷下
摧一切憂闇菩薩曰若遇憂感而無
所憂而於憂箭亦不疲厭云何有情
起於憂根所謂於我若有於我住平
等者是即名爲一相法門
無所緣菩薩曰若不緣欲界不緣色
無色界不緣聲聞獨覺之法不緣佛
法如是說者是即名爲一相法門

普見菩薩曰若說法者應平等說其
平等者所謂空性不於空性思惟平
等於平等法亦無所得如是說者是
即名爲一相法門

三輪清淨菩薩曰夫所說法不違三
輪云何爲三於我無所得於聞不分
別於法無所取如此名爲三輪清淨
如所說者是即名爲一相法門

成就行菩薩曰若知一切法不著如
是知如是說亦不說一字所謂離言
說故若如是說一切法者是即名為
一相法門

西侯城張福勢妻王氏男買馱施一板

深行菩薩曰若樂瑜伽知一切法則
於諸法而無所見於彼若說若無說
者於法無二是即名為一相法門
如是無量大威德諸菩薩等各各以

大聖文殊師利勅德莊嚴經卷下 第七 寶

之樹其量正等萬大千界彼樹光明
徧照一切諸佛刹土復次世尊我復
有願坐菩提樹已於其中夜成等正
覺乃至般涅槃夜於其中間不起于
座但以化身徧於十方無量無數俱
胝那庾多諸佛刹土爲諸有情而演
說法

復次世尊我復有願令我剎中無有
聲聞緣覺之名唯有清淨大菩薩衆
離一切過及諸惑等皆是清淨梵行
之者滿此佛剎其佛剎中無女人名
一切菩薩唯是化生悉披袈裟結跏
趺坐如是菩薩充滿其國唯除如來
之所變化往詣十方爲諸有情隨其
意樂說三乘法

余時師子勇猛雷音菩薩白佛言世
尊文殊師利當來成佛名字何等佛
言善男子此文殊師利成佛之時名
爲普見善男子以何因緣稱彼如來
号爲普見善男子普見如來普使十
方無量阿僧祇俱胝那庾多百千世
界中普令見故名爲普見彼諸有情
見彼佛者決定當得無上菩提普見

是文殊師利何以故但有名字名字
亦空文殊師利乃至菩提名亦遠離
無所有空空者即是菩提

尔時佛告師子勇猛雷音菩薩言汝
頗見聞無量壽如來聲聞菩薩諸衆
會邪唯然世尊我已見聞善男子於
意云何答言非是算數思議之所能

及佛言善男子如摩伽陀國量一婆
訶胡麻取一粒喻無量壽陀國聲聞
菩薩衆會餘況文殊師利童真菩薩
得菩提時菩薩衆會應如是知善男
子如以三千大千世界末爲微塵一
塵一劫若比普見如來壽量劫數百
分千分百千俱胝分乃至筭數譬喻
所不能及善男子以筭數計校等壽量

應知普見如來壽命無量無邊善男子
子譬如三千大千世界析爲微塵或
有一丈夫取一微塵乃至衆多微塵
過三千大千世界乃下一塵彼之丈
夫如是東行下盡塵數如是十方一
一丈夫准前下盡彼微塵數善男子
於意云何彼三千大千世界是百是
千是俱毗那庾多百千知其量不答

大聖文殊師利功德莊嚴經卷下 第三十

寶

言不也。世尊善男子。如是十丈夫各過三千大千世界。又下微塵。彼一切世界已下。未下盡。未爲塵。善男子。於意云何。豈能筭計是百。是千。是俱胝那庾多。百千數。不答言。不也。世尊。佛言。善男子。乃至十方十丈夫復過三千大千世界。所下微塵及所未下微

塵之麤又末爲塵善男子於意云何
豈能筭計彼之微塵是百是千是俱
胝那庾多百千乃至仰婁羅泯末羅
阿閼婆等世尊若人聞此筭數心則
迷亂彼不可知其數量佛言善男子
如來悉知彼之微塵是百是千是俱
胝那庾多百千乃至仰婁羅泯末羅
阿閼婆等善男子如是如來悉知復

過彼量

尔時慈氏菩薩摩訶薩白佛言世尊
若有菩薩求於如是了色之無盡智
寧於無量劫中受泥黎苦而是菩薩
於如是色大智中終不棄捨佛言慈
氏如是如是如汝所說豈有於佛無
盡大智不起惴望唯除下劣勝解及
懈怠者說此如來大智之時一萬有

情發菩提心

佛告師子勇猛言善男子如是十方
世界微塵彼十丈夫下微塵數過如
是等微塵數劫善男子文殊師利童
真菩薩於彼多劫示現行於菩薩之
行何以故善男子文殊師利不可思
議願亦不可思議趣向亦不可思議

證菩提已壽命亦不可思議菩薩衆
會亦不可思議

尔時師子勇猛雷音菩薩摩訶薩白
佛言世尊希有文殊師利發趣甚大所
修行大所謂文殊師利童真具菩薩乃於
尔所微塵數劫不生疲倦文殊師利
言善男子於意云何虛空有如是念
於晝夜半月月時歲劫百劫千劫俱

祇那庾多百千劫不荅言不也文殊
師利何以故虛空界無分別故文殊
師利言善男子若如虛空等悟一切
法隨悟如是亦不分別無所分別於
彼晝夜半月月時歲等如先所說無
有少想於法起者善男子如虛空界
大火熾然過無量殍伽沙劫而虛空
界不曾生起亦不燒壞何以故虛空

界無自性故如是善男子若菩薩知
一切法無性亦無熱惱疲倦如虛空
不燒不生疲倦及以熱惱而不動搖
亦不生不朽不死不遷不起無去無
來如是如是善男子文殊師利名號
亦尔而不燒壞亦不疲倦亦無熱惱
亦不動搖不生不朽不死不遷不起

無去無來何以故名字究竟遠離故
說是法時四大天王釋提桓因大梵
天王及餘大威德諸天子等異口同
音唱如是言若諸有情聞此法門獲
大善利何況受持讀誦當知不以少
善根而能成就世尊我等於此法門
受持讀誦廣宣流布爲護持正法故
尔時師子勇猛雷音菩薩白佛言世

尊善男子善女人於此法門受持讀
誦爲他宣說如是法要佛刹莊嚴成
就發如是心如文殊師利所得功德
爲幾許邪佛言善男子如來以無障
礙眼所見世界若有菩薩以七寶滿
彼世界於一一佛奉獻供養乃至盡
未來際俱胝劫中捨施令此菩薩安
住淨戒律儀於一切有情得平等心

若有菩薩於此佛刹功德莊嚴法門
受持讀誦復能發心隨文殊師利所
學行於七步功德之聚比前福聚百
分千分迦羅分百千俱胝分乃至算
數所不能及
爾時文殊師利菩薩入菩薩平等照
曜如幻相三摩地入已由文殊師利

平遙德義村任家門下宋氏施經一板

三摩地故乃至衆會菩薩等近見十方無量無邊諸佛世界一一佛前皆有文殊師利說自佛刹功德莊嚴衆會見已於文殊師利勝願三摩地智而生竒特如文殊師利童真菩薩法王之子於百千俱胝那庾多願我等咸見

尔時慈氏菩薩白佛言世尊當何名

此法門云何受持佛告慈氏今此法
門名爲諸佛遊戲汝當受持亦名不
思議願汝當受持亦名說佛剎功德
莊嚴汝當受持亦名發菩提心令歡
喜汝當受持

今時十方無量菩薩衆集會者於佛
及法作大供養雨衆天華頭面禮足
遶佛三匝各還本土作是讚言奇哉

世尊奇哉世尊令我等聞是不思議
法及文殊師利童真菩薩大師子吼
說是法已殑伽沙數菩薩於無上菩
提得不退轉無量有清成就善根佛
說是經已文殊師利童真菩薩摩訶
薩師子勇猛雷音菩薩摩訶薩所有
諸大聲聞梵釋護世天龍藥叉健達

阿蘇羅婆路荼緊那羅摩呼羅伽
人非人等皆大歡喜信受奉行

寶嚴僧顯修

施字子張珪妻董氏

大聖文殊師利菩薩功德莊嚴經卷下